



Шормо эл, порымлык да гым берр!

38-ше (3322) №,
2017 ий 16 сентябрь,
шуматкече.

ЯМДЕ ЛИЙ

1933 ий 1 февраль годсек лектеш.

0+

Йоча газетлан возалтса!



Катя МОКЕЕВАН сүретче.
Буйлаштыше - М.М.Шорманова.

Национальный президент школ-интернат.

5-15 октябрьыште
Всероссийский
подписке декаде эртыме
годым газетлан шулдырак
ак дене возалташ
лиеш.

Шортньо шыже пеленже тургым пагытым кондыш. Те, йоча-влак, уэш парт коклашке шичда. Ынде уло вийым пыштен, келге шинчымашым налаш кыртмен пижман. Ача-авада-влакынат сомылышт шуко, тебе пакчасаскам поген налман. А мемнан, газет ден журнал пашаен-влакын, 1 сентябрь гыч 2018 ийын икымше пелыжлан подписке тургым тўналын. Газетнан лудшыжо-влак ешаралтышт манын тыршена. Вет «Ямде лий» газетым уш-акылым пойдарыше книга, энциклопедий семын кучылташ лиеш. Тўнемаште, пашаште кугу польшыжым пуа. Йоча газет кажнын ўстембалныже лиеш гын, моткоч сай. Тендам пагален, ака, иза, шольо, шўжар, кугурак опытан ег семын аклен, «Ямде лий» газетлан возалташ ўжына. Подпискым ышташ почтыш вашкыза.

Л.ГРИГОРЬЕВА.

Сурт гыч суртыш кў кош-теда? Поч-та-льон!

Почталъон-влак коклаште увертарыме конкурснам иктешлена.

«Ямде лий» газетлан кў шукырак подпискым ыштыктен, тудлан окса премийым кучыктена: **А.Н.ПЕТРОВАЛАН** (Морко район Унчо ОПС, 31 экз.) - 800 тенге,

В.В.ГРИГОРЬЕВАЛАН (Марий Турек район Карлыган ОПС, 15 экз.) - 400 тенге,

Н.М.МАТВЕЕВАЛАН (Морко район Эгерсола ОПС, 14 экз.) - 400 тенге.
Пагалыме почталъон-влак, саламлаш мийымынам вучыза.



Газетын
акше - 298
тенгеат 80
ыр.

Ола деч ўрдыж-тў верланыше лагерь ден санаторийлаште кенеж гоч 19933 йоча канен да тазалыкшым пенгыдемден.

13-20 сентябрьыште Марий Элыште «Йолешке» профилактике мероприя-тий эрта. Тений йолешке-влакын титакыштлан кўра республикыште 150 ДТП лийын. Корнышто тўткў лийза!

«Ямде лий» газетлан почто гоч Марий Элыште, Пошкырт ден Татарстан кундемлаште гына возалташ лиеш. Индекс икте: П4696.



Увер выр-выр



У тунемме ий дене!



У тунемме ийым шокшын вашлияш Чумыргышт йоча-влак да ача-авашт. Аршаш дене туныктышым кажне вашлиеш, Шинчымаш идалык уэш вет тўгалеш. Парт коклашке угыч шинчаш вашкена, Ончыкылыкш корным кыртменак тошкена. Сылне йынгыр йўкшө чоным савыра, Туныктышын ойжо кумылым нўлта.

У тунемме ий дене тендам саламлем, «Визытаным» пентыдым чылалан тыланем. Ида мондо туныктышым теже нигунам, Тудо мыланнаже умылаш полша тўням!

Анатолий АЛЕКСАНДРОВ.
Снимкыште: 1-ше классыште тунемше-влак – икымше туныктышышт И.Г.Кириллова дене пырля.
Морко, Шўргыял.

Поэт деке унала

Морко мландыште шочын-кушшо сълнымут мастар Н.С.Мухинын музей-пўртышкыжō экскурсий дене миенам. Тоштерысе арверым онченам. Н.С.Мухин кресаньык илыш нерген ятыр произведенийым возен. Поэтын йоча годсо илышыжат неле лийын. Авамын кидшым кучен, мўнгō ошкылмо годым шоналтышым: «Могай сай, авам пеленемак».

Екатерина РАССАНОВА.
Морко, Коркатово.



Историйым шергалына



1378 ийыште татар-монголшамыч Российыш виан войска дене керылтыныт. 1380 ий 21 сентябрьште князь Дмитрий Донскойын войскаже нуным Воже энер воктен Куликово пасушто вашлийын да пўтынек кырен шалатен. Ты сенымаш Российлан ончыкыжым посна кугыжаныш семын виангашыже полшен. **Куликовский крдалмашым шарнен, 21 сентябрь Российыште Воинский чап кече семын палемдалтеш.**

Таче
всероссий-
ский «Кросс
нации - 2017»
эрта.



Икымше сентябрь

Сылне шыже кечын Школыш ошкылам. Кидыштем пеледыш – Туныктышемлан.

Алина ЕВСЮТКИНА.
Морко, Шлань.

Лўмгече



10 сентябрьыште Геннадий Дмитриевич Пряников 90 ияш лўмгечыжым палемден.

Ф.ЛЕБЕДЕВАН фотожо.

Лудмо рўдер

7 сентябрьыште С.Г.Чавайн лўмеш национальный библиотекеште Лудмо рўдер почылтын. Тудо абонемент пўлка пелен верланен.

– Рўдер изи ола гай, площадьше ден проспектше-влак улыт, – оила рўдерым вуйлатыше Татьяна Николаевна Мизгирева. – Икшыве-влаклан книгаг лудмо верым кельштарыме. Тўрлō акцийым, вашлий-машым, еш дене лудмо кечым, урок-влакым эртараш тўнгалына. Чылажат калыкым книгаг лудаш кумылангдыме шонымаш дене ыш-

Рўдерлан девизым да логотипым ямдылы- т а л - ме конкурсым ты кечынак иктешленыт. Танасымашке Йошкар-Оласе 74-ше номеран йоча-садыш коштшо куд ияш Макар Рябов (снимкыште) ушнен. Изи рвезе Диплом дене палемдалтын. «Мый книгаг нангайыше машинам сўретленам, – оила Макар. – Тек рўдерыште шуко да тўрлō сынан книга лиеш».



Л.ГРИГОРЬЕВА.

– Спиннер – тиде пӧрдшӧ модыш. Тудым шонен лукмо шотышто кок тӱрлӧ ой кош-теш. Икымшыже – модышым чогашыл корштымо дене орланыше ӱдыржылан Кэтрин Хеттингер шонен муын. Модышым газет да скотчым кучылтын ыштен. Кокымшо ой почеш, спиннерым Скотт Мак Коскери ыштен. Телефон дене мутланымж годым тудо пеш тургыжланен. Лач спиннер тур-гы ж л а н ы м ы ж ы м ч а р а ш полшен.



Пытаргыш жапыште йоча-влак коклаште у модыш – спиннер – кумдан шарлен. Тудым чылан налаш вашкат. Модышым ямдылыше-влак спиннер чот тургыжланымым лыпландараш полша, маныт – вес семынже, «антистресс». Тиде чын мо? Ты модышын пайдаже да энгекше могай? Нине йодышлан вашешташ Психологий да педагогике, медицине да социальный польшым пуышо «Детство» рӱдерын педагог-психологшо Анна Павловна ПАВЛОВСКАЯ полша.



Ик модышын пайдаже да энгекше


Вуйдорык начарын виянгме, тӱткылык ситыдымаш, утыгдене чот писе улмо годым спиннер дене модаш келшен толеш. Модышым ямдылыше-шамычын мутышт почеш, спиннер йоча-влак-клан шкем кидыш налаш да тунемме пашашке чулымын ушнаш кумыланда. Но тидын шотышто нимогай тергымаш лийын огыл, науко могырымат шымлымаш эртаралтын огыл. Очыни, йоча-влакын модмыштым эскерыме почеш тыгай иктешлымашым ыштеныт. Чынжымак, утыгдене чот писын тарванылше (гиперактивный) икшыве спиннерым пӧрдыкташ тӱналмекше, очыни, мыняр-гынат лыплана. Школышто, мӧнгешла, йоча-влак модыш деке тунар чот шӱмангыт, урок нерген йӧршеш монден кертат.

Спиннер чот тургыжланымашым лыпландараш полша манме шонымаш дене ӱчашаш лиеш. Модыш айдемем жаплан веле лыпландара. А вет тӱнжӧ – тургыжланымашын амалжым пален налман.



Я тыр специалистын ойжо почеш, спиннер – уда модыш. Тудо тӱткылыкым ок виянде, мӧнгешла, йочан тунеммашыжым лугыч ышта.

Л.ГРИГОРЬЕВА ямдылен.



8-ше лаштыкысе заданыйлан вашмут.

Йӧратыме пагыт, чеверын!

Конкурсеш

Кенеж – кумылым нӧлтышӧ пагыт. Кум тылзе урокым ышташ огеш кӱл, шуко мален кертат. Уремыште йолташ-влак дене пырля жапым эртарет. Шокшо кечын йӱштылаш миен толат. Кенежым фруктым, емыж-саскам да шуко мороженныйым кочкаш лиеш. Мый чодыраш кошташ йӧратем. Тушто юж яндар. Августышто Казаньыш аттракционыш да дельфинарийыш миен толна. Кенеж – йӧратыме жапем, но пеш писын эртен кайыш.

Милана ЕВДОКИМОВА.

1-ше номеран Морко школ.



Кенеж каникулышто авамлан полшенам: пакчаште шӱкшудым кӱрынам, йырагышке вӱдым шавенам. Школ пакчашке дежуритлаш коштынам.

Акам мыйым Йошкар-Олашке намиен. Икмыняр гана изам дене пырля йӱштылаш миенам. Шокшо кечыже шуко лийын огыл гынат, кенеж каникул онгайын эртен.

Сабина МАКАРОВА. Параньга, Матародо.



Саламлена!

Кӱшыл категориян туныктышо Татьяна Владимировна ИВАНОВА Волжский районысо Пӧтъял школышто 24 ий пашам ышта. Ятыр жап шочмо йылме ден литературым туныкта. Йоча-влак урокышкыжо куанен коштыт, конкурс ден олимпиадылаште кӱкшӧ лектышыш шуыт. Татьяна Владимировна 2009 ийыште «Эн сай туныктышо» конкурсышто Россий Президентын грантшым сенен налын.



Таче ме пагалыме еннам 50 ИЯШ ЛӰМГЕЧЫЖ дене шокшын саламлена. Йолгорно гай кужу ӱмырым, пенгыде тазалыкым, пашаштыже кугу сенымашым, ешыштыже пиалан тат-влакым тыланена!

Пӧтъял школын тунемшыж ден туныктышыжо-влак.



Увер

8-10 сентябрьште Москосо Н.Сац лумеш кугужаныш академический йоча музук театр Йошкар-Олаште «Белоснежка» оперетте-йомакым да «Волшебник изумрудного города» мюзиклым ончыктен. Кузе Марий Элыш логалын? Э.Сапаев лумеш опер да балет театр «Кугу гастроль-влак» федеральный программаш кумшо гана пурен. Тиде проект почеш тений 30 театр Россия мучко йоча да самырык-влаклан 300 утла спектаклым ончыкта.




Йоратыме семүзгар

– Скрипкым шокташ пеш куштылго, шоненам. Семүзгарым кидышкем налмекем умыленам: тыге огыл улмаш.

Аля Ярандаеван (снимкыште) йоратыме семүзгарже – скрипке. Мо дене тудо ўдырын кумылжым савырен? «Муро гае йонгышо ныжыл семже дене, – вaшештыш Аля. – Изиэм годым телевизор дене ужынам да моткоч келшен».

Аля Морко посёлкысо 1-ше номеран школышто тунемеш, сылнысем тўням умылаш музыкальный школыш коштеш. Туныктышыжо – Эльвира Валентиновна Ефимова. Ўдырын сенымашыжат уло. «Ончыкылык илыш корнем тўвыра да сымыктыш тўня дене ала ом кылде гынат, семүзгар дене шоктен мошты-мем нигунам арам ок лий», – иктешлен каласыш Аля.


Л.ГРИГОРЬЕВА.



«Йоча да самырык-влаклан кугу гастроль» программаш Республикысе курчак театр ушнен. Марий артист-влак Чебоксар, Кстово, Екатеринбург, Саратов олашште спектаклым ончыкташ тўналыт. А мемнан дека Удмурт Республикысе, Самарысе да «Ульгэр» бурят курчак театр-влак толшаш улыт.

Кидмастар

Йолташем – Настя Михайлова. Ме ик классыште тунемына. Настян дневникыштыже – чыла «визытан». Ме икте-васылан полшена. Настя «Бусинка», «Мастерица», «Марий тўр» кружоклаш коштеш. Пўлек-влакым шке кидше дене ышта.



Маша ПОКРОВСКАЯ.
Волжский, Кугу Корамас.

Мый урокыш кодынам

Музыкальная партитура с нотами и текстом песни:

Онгыр йўк шаг-гак йог-гал-тыш, мый у-ро-кыш ко-ды-нам.

Ву-йыш-то чы-ла лу-гал-тыш: ып-де ку-зе-рак лий-ман?

Тў-кал-таш тук-тук ом-сам ө-ры-нам, пуй-то мый у-да па-шам ып-те-нам.

Мен-ге се-мын, мен-ге се-мын шо-гыл-там, у-гыч шке-мым шу-да-лам.

Мутшо В.Крыловын

Семже В.Осиповын

Онгыр йўк шангак йонгалтын,
Мый урокыш кодынам.
Вуйышто чыла лугалтын:
Ынде кузерак лийман?

Припев:

Тўкалташ тук-тук омсам өрынам,
Пуйто мый уда пашам ыштенам.
Менге-семын,
менге-семын шогылтам,
Угыч шкемым шудалам.

Йоршын коридор пустангын,
Мый турня гай кодынам.
Мом мылам адак ышташ гын,
Ала классыш ошкылман?

Языкем мый ом кудалте –
Шукырак нералтенам.
Омо кончыш – ылым тале,
Ну, а кызыт вожилам.

Куан

Кружок уло школышто.
«Куан» лўман тудыжо.
Кў тушко эре коштеш,
Сылнын

кушташ тунемеш.
Изи чонна лыве гай,
Капкылнажат
лач тугай.

Поро, нўлтшў кумылна,
Пиалан ме улына.
Моштымынам ончыкташ
Калык коклаш лектына.
Чылан рўж


совым кырат,
«Тау» манын каласат.

Юлия ИВАНОВА.
Кужэнгер, Шорсола.

Тўнямбалне
эн кугулан кудо
семүзгар шотлалтеш:

- а) орган;
- б) рояль;
- в) арфа?





Тополь

Улат толшо йот кундем
кечывалвечын.
Кичкет эре исыр -
огеш керт шытен.
Садлан
ончен куштыман
укшет гычын
тыйым,
Шындаш
садерлаш
да
корно
воктен.




*Изи книга комьшто -
Национальный президент сымык-
тыш школын тунемшыже
Марина МАСЛОВАН сјретше.*

Газетым Печать да массовый комму-
никаций шотышто федеральный агент-
ствын финанс
польшыж дене
лукмо.



Аркадий ФЁДОРОВ (Чавайнур Аркалий)



Пушенге вожшо дене виан



Ваштар

Йомакысе ече
- шүшкан -
нерген коллым,
Ыштат
ваштар гыч,
пенгыдым, яклакам.
Чиен каныш кечын
Ошүргышкө тольым,
Мардеж дечын писын
волемыс мыят.

Нөллө

Чучеш, огеш колышт
пүртүсын шомакшым.
Покшым возеш -
ок шоно оралгаш.
Шога шем-ужарге -
ок волто чапшым,
Тыгай
вургем дене
келша
моктанаш.



6

Кож

Пеш нечке
пушенге -
колой -
изиж годым:
Лүдеш кечыйол деч,
ятла йүштымат.
Күлеш эре ўмыл да
ўшык. Сай мландым
Муэш куэрлаште,
келша руэмат.



Куэ

Улат түрлө.
Миллион дене
кичкым
Ўдет руэмлаш,
шудан олыклаш.
Но нунын деч
лийын ок шу
кугу тукым -
Кажнылан
вер ок сите
почаш да
илаш.



3


Шертне

Пеледат
эр шошымак,
мүкш-влакын
куанышт.

Кичкет-влак
пунагыч -
вучат чонешташ.

Мардеж пуал колтыш -
тунамак тарванышт:


Тўналыт тўшкан
тукуйможым колташ.



Пўнчө

Элнет чодырам
моктена
пўнчыж верчын:
Сорта гай
вияш,
кудыр-кудыр
укшлан.

Нөлталтын каваш,
кечыйол дене модын.
Шога тўрка вуйжым
савалын коклан.



2

Тумо

Чавайнын
пакчаште
шотлет
ийготетым.

Погем тумлегетым
шындаш у вереш.
Ужат

куруквуй гыч
Онар тукуметым -
Гўжлалын
шогалшым
Ошўргө сереш.



Лўмегож

Коеш
шукыж годым
пўнчеран чодыраште,
Моткоч чот
шуркедылше
пўсө иман.

Ниян. Кўлеш урлан
пыжашым тодмаште:
Кушкедын налеш
кутышнек.

Вот тушман!



7

Пызле

Йөрталме
кушкыл улат
марий ялын.
Шындат тыйым
пече-оралтышт
воктен.

Шогет тый,
чевер орлангетым
рўзалын,
Саскатым өрш ден
лого-влаклан темлен.



Ломбо

Мокталын,
шагал огыл
мурым возенят
Поэт ден
гармоньчо-влак
тыйын лўмеш.
Танна-влак
моктен тыйым
сылнын
муреныт
Какшан
сер ўмбалне,
ўжара волгалтмеш.



4

Писте

От вашке
лышташым
шараш
моло семын,
Кодат почеш
шошым пеледашат.
Но от лўд тый
ни йўштө,
ни шокшо дечын,
Садлан

тидлан тыйым
лиеш мокташат.



Нулго

Шогал кўкшакаш,
ончалам йогын лопым,
Тушан шарлен вочшо
кумда чодырам.
Ужам тушто кушшо
мотор
нулго-влакым
Моткоч
кўкшым,
пёрдымө гай
йытырам.



5



Кажне арверын – шке верже

Васлий лүман тунемшын портфельштыже Ручка илен. Рвезе тудым чаманен огыл, чыла вере кышкылтын. Садлан Ручка озак деч шылаш шонен пыштен. Икана тудо чодырашке лектын куржын. Корно дене ошкылмыж годым Маскам вашлийын.

– Кушко тынаре куржат? – йодын чодыра оза.

– Озам деч шылам! – вуйым шийын Ручка.

– Молан?

– Мыйым огеш арале, ок чамане, верышкем поген ок пыште. Ала-куштат почанаш логалеш.

– Тиде сай койыш огыл. Мыйынат маскаигем-влак школыш коштыт. Айда мемнан дек. Нуно тыланет верым муыт.

Анна АЛЕКСАНДРОВА.

Морко, Коркатово.

Йоча-влак, Васлий гай ида лий. Тунемме арверда-влак шке верыштышт кийышт. Уке гын, тендан дечат шылын куржыт.



Уленыт аваж ден изи үдыржө. Икана ава чодыраш снеге погаш каяш тарвана. Олюлан сурт воктенак модаш күшта.

Изи үдыр окна ончылно шинча. Теве мотор кече ончалеш, шинчажым пүялеш, «Лек, лек уремыш, пырля модына!» манмыла чучеш. Олю кудывечыш лектеш. Пий, пырыс дене ик жап модеш. Кенета ушышкыжо аваже толын пура. Ұдыр пөрт гыч изи корзингам нумал лектеш.

– Мый авайым вашлияш каем, – йолташыже-влак-лан ойла.

– Ам-ам! Ит кай, Олю! Ит кай! Ават вашке толеш!

– Бобик опта.

– Мяу! Мяу! Ит кай, йомат! Йочалан чодыраш шкетын каяш ок йөрө! – Мурка чара.

Олю нуным ок колышт, төрштыл-төрштыл, чодырамогырыш куржеш. Икмыняр жап гыч чодыра лонгаштат лиеш. Йыр ончалеш – кугу пушенге-влак шып шогат, чонжылан лүдыкшын чучеш. Изи Олю шорташ тўналеш. Шортмо йўкым колын, вондер йымач Меран лектеш.

– Молан шортат?

– Аваем почеш тольым да

корным йомдарышым. Йў-мемат шуэш.

– Айда изи аланыш, тушто памаш йога, вўд тамле, снегат шуко. Ала аватымат вашлият, – манеш Меран.

Аланысе яндар памаш гыч Олю шер теммешкыже яндар

Поро йолташ-влак



вўдым йўэш, снегим кочкеш да умбаке тарвана. Теве пушенге вуй гыч пўгыльмө камвозеш. Лўдмыж дене Олю өрдыжкө тёршталта да туртын шинчеш, шорташ тўналеш.

– Ит лўд, ит шорт, шўжарем. Тиде мый улам, Ур! Тый кушко тыге кает? Чодыраште шкетын кошташ от лўд мо?

– Аваем снеге погаш каен

да эшеат уке. Ала маска кочкын... – Олю адак шортат тўналеш.

– Мемнан чодыраште маска уке, тыгыде янлык веле илена. Мый тыланет ялышке корным ончыктем, а кайык йолташем-шамычлан шижтарем: тек аватым кычал муыт, – Ур ик пушенге гыч весыш тёрштыл-тёрштыл куда-леш. Тудын почеш Олюат ошкеда.

Теве кайык тўшка чогы-матен-чогыматен лишемеш. Ұдыр шентгекила савырнен ончалеш – аваже толеш. Корзингаже тич чевер снеге.

– Теве молан те мыйым вашкыктенда! Тау, изи кайыкем-шамыч!


Ур ден Меран толын лектыт, Олюлан ойлат:

– Изи шўжарна, чодыраш шкетын ит кошт, йомын керта.

– Бобик ден Муркат тыгак ойлышт, а мый нуным шым колышт. Тау, поро йолташем-шамыч, корным ончыктымыланда. Тау аваемым муын кондымыланда. Вес гана тыге ом ыште.

И.В.НИКИТИНА,
йочасад воспитатель.
Медведево, У Арбан.

19 сентябрь –
Смайлыкын шочмо
кечыже



Яра клеткылаш келшы-
ше смайлыкым сүретле.

Йоча-влак, тений
пакчаштыда могай
пакчасаска чот шочын?
Мемнамат палдарыза,
«Шочын пакчаштем»
фотоконкурсыш ушныза.
Сенгышым пöлек вуча.
Конкурс 1 ноябрь марте
шуйна.

Кенгеж кечын вүд шаваш
Авамлан мый полшенам.
Ынде шочыныт умен
Кияр, пурыс ден кавун.
Снимкыште - Медве-
дево район Новотроицк
гыч Ариша Григорьева.

**КОНКУРС!
«ШОЧЫН
ПАКЧАШ-
ТЕМ»**



Л.ГРИГОРЬЕВАН фотожо.

Физкультминутко


Совынам пералтена
Веселан, веселан.
Йолна ден тавалтена
Ме чылан, ме чылан.
Пулвуйнам
пералтена
Веселан,
веселан.
Капкылнам
тарватена
Ме чылан,
ме чылан.
Н.Д.ИЛЬИНА,
туныктышо.
Волжский, Карай.




Тушто
Кайык-влак коклаште шеме.
Туддеч йыл-влак
писын шылыт.
Койышыжат оза гайрак.
Кайыкым лүмдат ...
Вика АНТРОПОВА.
Кужэнгер, Йүледүр.



Кайык-влак чонештеныт.
Пушентгыш коктын-коктын
шинчыныт - ик пушентге яра
кодын. Иктын-иктын шинчыт
гын, ик пушентге ок сите. Мыняр
кайык да мыняр пушентге, шотло?



Ныл вияш линий пол-
шымо дене точко-влакым
лу ужашлан пайле.
Кажне ужаш көргыштö
ик точко лийшаш.



Кö эн шуко ойыргемым муэц?



Индекс: Марий Элыште,
Пошкырт ден Татарстан
кундемлаште – П4696.
Тираж 1000 экз. Заказ 1823.
Формат – А-4-В.
Директор-түн редактор
Л.В.СЕМЕНОВА.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.ru,
Тел. 45-25-49(факс);
45-22-82.
выктыме. Типографийын

УЧРЕДИТЕЛЬ-ВЛАК:
Марий Эл Республике
се культур, печать да
калык-влакын пашашт шо-
тышто министерстве, «Ям-
де лий» газет» кугыжа-
ныш унитарный казенный
предприятий.

Газетым редакцийште погым да верстатлыме,
«СТРИНГ» ИПФ ООО-што ямде оригинал-макет гыч са-
адресше: 424006, Йошкар-Ола, Строитель урем, 95.

Газетым Массовый коммуникаций
сферыште да культур наследийым ара-
лымаште законодательством шуктен шо-
гымым эскерше Федеральный службыв
Приволжский федеральный округысо уп-
равленийшытже регистрироватлыме.
Номер – ПИ №ФС 18-1999,
2005 ий 10 февральшыте
пуымо.

0+

Печаткыш пуымо жап – 14-00,
фактически – 13-00.
Ак – кутырен келшыме
почеш.

Авторын да редакцийын шо-
нымашышт түрлө лийын кер-
тыт. Серыш-влак мөнгеш огыт
колталт.

Редакцийын да издательнын
адресше: 424006, Йошкар-Ола,
СССР Вооружённый Вийын 70-ше
идалыкше урем, 20.